

CCXX. Kurfürst Friedrich beflagt sich gegen Polnische Magnaten über Verletzungen seiner  
Landt und Untertanen zu Pila und Schneidemühl, ohne Datum (October 1456).

Geschreiben an den Bischoffe zu Poznow, An er peter vom Schamatul, an er  
Jan Czerniko.

Vnser fründtschafft zuorn, wolgeboren, Eddeler, befundern freunt, wyr thun uch zu wyf-  
sen, we das vns vnd den vnfern, nemlichen den von Günterberg zu Calis vnd den von  
wedell mennicherley zugriff In kortz gescheen sein, wol sechs dorfer vitzgepucht vnd gebrant,  
vncristliche werk dorinne begangen, dye gots hufzer beroubet vnd dye glocken wech genolmen,  
ok ettlick mort begangen etc. des Alles vnbewaret vñ der Cron zu Polen vnd wyder dorinne  
gechen ist, als zur pila vnd snyt molen, des wyr doch vnbeforget sein gewest, nach dem wyr  
mit vnfern heren vnd lieben Brudern dem konig vnd der kron zu Polen anders nicht dann  
Alles gut wyssen, dormme wyr dem Storaft zu grossen Polen gescriben vnd gebeten haben, ein  
folchs zu vnderkomen, den vnfern glich vnd wandell behelffen, doruff vns denne kein antwert  
worden ist, vnd sint der zeyt den vnfern zu Caliz gescriben ist von den houbdlüten zur pila  
vnd snidemole, des briefs wyr uch ein abschrifft hür mit verlossen feuden. Begeren vnd Bit-  
ten wyr uch In Befundern heiz, nach dem vns vom Storaft kein antwort hat macht werden, Ir  
wollt beistellen vnd verfügen, das vns vnd den vnfern glich, wandell vnd wedderkarunge vnd ok  
nicht mehr not geschee, wollen wyr vmb uch gern verschulden. Geschege aber dem so nicht, So  
habt Ir wol zu mercken, das wyr denen vnfern widder gonnen moften, sich ein folchs zu erholen,  
dadurch denne vnder vnwillen komen mocht. Wyr konnen och nicht gewiffen, ab vns ein folchs  
von vnfern heren vnd brudern dem konige ader vñ der Cron zu Polen zugeschiedt wert, Als  
wyr doch nicht en hoffen. Wenne wyr ein solchs wyfsten, moften wyr godencken, das wyr myt  
vnfern heren vnd fründe vns solcher gedrenknuffz vnd gewaltes vf halden, so wyr best mochten,  
des wyr vyl lieber vertragen weren, wan es ge sein mochte. Des uwer beschreiben antwort. Datum etc.

Nach dem Concept im Ob. Staatsarchiv.